

تورک پوردی

Yıl: 2 Sayı: 10 (34) Tuluat 1328
 تورکلرک فاندمنه چالیشیر
 اون بئش کونده بر جیقار

«بعث بعدالموت»

۱۳۲۸ سنه سی «سالنامه ثروت فنون» ده «توركلك» ديه بر مقاله واردی .
 برییل اولکی شباطك باشلارنده یازیلش بومقاله ، شویله بیئوردی :
 «لكن بوندن صوكره نه اوله جق؟ تورك طلمی ناصل بر استقبال بکلیور؟..
 «بوعظیم وقورقچ سواللره صحیح بر جواب ویرم بيلمك ادعای بندن
 بك اوزاقدیر. مع مافیه قوتلی غریبك ضعیف شرقده طوتدیردینی یوللره بیطرف
 ودقتلیجه نظرلرله باقیلسه ، توركلرك بك اوزاق اولمایان سیاسی استقاللرینه
 دائر مؤزده لی خبرلر ویرمکده تردد اولنور.. لکن توركلك یوقاریده ایضاحه
 چالیشدیغمز وجهله ، فردا واجتماعاً اویانمقده در . آرتق توركلرك اجتماعاً محو
 اولملری احتمالی مندفع اولمش صایله بیلیر . فردا واجتماعاً اوله مک ، اوله مه یه
 عزم ایتمک ، سیاسی تکرار اکتساب حیات اوله بیله جکنه قوی بر دلیلدیر.
 فردا واجتماعاً یاشایان برملت، ضایع اولمش استقالانی ارکچ بولوب قزانه جقدر:
 بوتون سیاسی توركلك ایچون بر «بعث بعدالموت» حقدر ... [۱]

بوراده کی «بعث بعدالموت» فکرینی یازان محرر، مملکتک سیاسی بحرانلردن
 نفس آلامادیغنی کوره رک بدینلک و امیدسزلکه طالمش وطنداشترینه بیله توجه
 اوله جق بر مساعی و فعالیت غایه سی ارانه ایدیوردی ؛ دولت عثمانیه نك
 سیاسی استقالانی بوسبوتون قاراکلق کوره رک ، یالکز شخصی و عائله سی
 قورتارمق قایغوسنه دوشه نلره : «عثمانلی دولتنک باشنه ، الله کوسترمه سین ،
 برقضا کلسه بیله ، تورك ملت باقی قالا جقدر ، اوملتنک دوام حیاتی ، ترقی
 و تعالیسی ، و صوکره تکرار اکتساب استقالانی تأمین ایچون اولسون ، شمیدین
 چالیشمه کز لازمکلیر ..» دیمک استیوردی .

مسلكداشلیمزدن محمد علی توفیق بك ده ، بکن هفته چیقان «طنین»
 نسخه لرینك برنده «بعث بعدالموت» ایمانی بیلدیریور. اونك فکر نجه «موت»

[۱] «سالنامه ثروت فنون» ۱۳۲۸ - «توركلك» ، آق چوره اوغلی یوسف -

اولمك دكل، آنجق ازلكدر. شو صره لرده شلكلرينك آوازه سى استانبوله قدر كلن ۱۸۱۳ سنه سى آلمان انتقام وموفقيتدرينك يوزنجى يىلى بايرامندن ملهم مسلكداشمزك « ازلكدن صوكره » - بومقاله نك عنوانيدر - تكرار ديريله جكمزه دائر مطالعات واعتقاداتى شويله در :

شمديكى توركيا نك ۱۸۱۳ آلمانى سى قدر خارق العاده برچويكلك وسرعتله ديريله جكنى ده ادعايتك ايستميورم . مقصدم ملتلك (بعث بعدالموت) ى حقنده كى قناعتلى قوتلنديرمك، توركلك پك قطلى كورونن بوصوك بوزغونلقلردن صوكره يكي برحياه نائل اوله بيله جكنى غيرمنتظر بر پروا زايله تمدن غايه طوعرو يوكسله بيله جكنى بركره دها كوسترمكدرد .

معارفه لريله مشرف اولديغ ذواتك برقسى احتمال كه ينه بوسطرلرى . دوداقلرنده مستهزى وياخود شك وشبهه ايله آلوده برتبسمله قارشيلايه جقلر . اولرك بدبينلكرينى ، وقتيله بنده اوزهرلى كاسه يى صوك دامله سنه قدر ايچديكم ايچون ، پك اى بيليرم ؛ مفكوره نك ، آتية عائد ايمانك پك قولاي تداوى ايتديكى بوحسانيت مريضه حقنده برشى سويله ميه جكم . بومبجنده ايراد ايديلن اعتراضلره كلنجه : شثامت تاريخيه ، عقايد سخيغه نك تأثيرى ، اداره نك سقماق ، ياره وتربيه نك فقدانى ... بومهلولتلك يكرى درت ساعت ظرفنده وجودمزدن اوزافلاشه جفنه قائل اوله جق قدر ساده دل وسطحى بين دكل . فقط (ره نسانس) دينلن دور تجدددن اول ، شمدي اك متمدن طائيديفمز ملتلك دها مهلول اولديغى عجبانه ايچون اونوتيورز؟

« تنور وتمدن واديلرينه ابريشمكده كچ قالان تورك عرقى ، طبقى فرانسز . المان وروس ملتلى كى شتون فورطنه لرى ايچنده برچوق زمانلر صارصله جق ، دوشوب قالمه جق ، لكن شمديدن باشلايان انتباه وترقى نهايت اوفى سلامت وحضور واحه سنه كوتوره جكدرد . خطيئات تاريخيه نك نفوذمشئوى قيصه ويا اوزون پردوردن صوكره قوتى غائب ايدر واورير . سخيغه لرى قالديره جق مجددرلك ، مصلحتلك ، (لوتر) لرك نهايت بركون اك اميد ايديله ميه جك برزمانده ، اك مظلم برمحيطده دوغديغى كتابلرده اوقويورز . اداره نك اصلاحي معنوى واجتماعى تهذيباتدن صوكره كندى كندينه وجود بولور . وارلغى حس ايدن ، حضور وسعادتى تأمين ايتك احتياجنى دويان برملت چاليشير وآلنندن دوكدىكى ترلرله طوبراقلردن مبلونلر چيقارير .

« تورك عرقك سجييه سى وقابلىق حقنده هيچ براعتراض ديكله مم ؛ چونكه مشاهداتم بكا بزم استعداددن محروميتمى ادعا ايدنلك يا كوتاه بين ويا بدخواه وياخود امل شكسته اولديغى كوستردى .

« مقيد اولان فصللرى ، غيرمضبوط اقسامنه نسبتله پك ناچيز اولان تورك تاريخى ، هيچ بر قومك محيغه مفاخرى قارشيسنده كسوفه دوچار اوله جق برماهيتده دكلدر . بومبجنده اك اوفق برشبهه بيلينلر درحال تورك خاقانلرينك هندستانده تأسيس ايتديكى مدنيتى مطالعه ايدله بيليرلر .

« قافقاسیه و قزان تورکلری بوکون ترقیات مادییه بی بنجه مکده احتمال که ژاپونلر قدر اقتدار کوستریورلر ، المان قومنک اقتصادیات وادیسندہ کی پروازنی کوچوک مقیاسده نظیر ایدیورلر .

« ... ساحلرک مفسد هواسنی تنفس ایتمین تورکک سجه سی . بوتون دنیانک اک فیاض مزاجلرندن بریدر .

« ... بویوک عرفزک ماضیسنه عطف ایتدیکم نکه تدقیق ، عثمانلی و روسیه لی تورکلرده کوردیکم انباء و ترقی ، و قتیله دیگر ملتلی ده برچوق زمانلر بیتمش . کیرمیش اولان معلولیتلرک قابل ازاله اولدیغنه دائرینه تدقیقات تاریخیه نکه بنده حاصل ایتدیکی قناعت ، چلیک کی متین (ایمان) مک سپاسیدر ... »

ت . ی .

تورکک شئونی

« استهلاک عمومی بی تنسیق و منافع ملیه اقتصادی بی مدافعه » تشبثی . — استانبولک ملی فعالیتی افقنده جاذب برنششک ایلک ضیاسی کورسیر اولدی . آلمان مکتب اقتصادی سالدکلرندن بر هیأت مقبضه ، « منافع ملیه اقتصادی بی مدافعه » قصدیه « علمی - ملی » بر جمعیت تأسیسنه صرف مسامی ایدیور . کچن جمعه کونی ، اعضای مؤسسه اوله جق ذوانک ایلک اجتماعی انعقاد ایتشدی . اجتماعده اکثریتی ، اقتصاد یون و بالخاصه اسکی « سربستی تجارت » مکتبنه معارض کنج اقتصاد یونمز تشکیل ایدیور دی . تشبث ، حد داننده و اساس اعتباریه غایت ایدر ، مقبضلری تبریک ایلهرز . طرز اجرا و تطبیقنک نافع و مضر بر شکل آلماسی ، سی ، رویت و حیات ایله قابل اوله جقدر . « منافع ملیه اقتصادی بی مدافعه » فکرنی ، افکار عمومیه ایلک بیلدیرنلر آره سندہ « سویم بیگه » پیچی خام افندی کی منور همشیره لریمزک بولنماسی ، فکرنک استعداد حیاتی حائز اوله رقی طوغدیغنه امید وریور .

شمال تورکلرندہ اقتصادی تشبثلر — قزانده چوخه وشیاقی تجارلرندن زاهد زاده رشاد افندی بر چوخه وشیاقی فابریقه سی تأسیسنه ایتدار ایتشدر . فابریقه سی الکتریکی قوتیه متحرک اوله جق و هرنوع یوک منسوجاتی اعمال ایلیه جکدر . § سبریانک سیی شهرنده برقچ تورک تجاری بر شرکت تشکیل ایدمک ، بویوک برماقارونیا و شعریه فابریقه سی آجایه مباشرت ایتشلردر .

§ جوکه جک (چینه در) اغنیاسندن حاجی علی و عمر عبدالله ، چانیشف برادرلر . عارف عبدالجبار ، ذاکر لطیف ، آخوند خواجه ودها بعض آرقداشلری بر مسلمان - تورک بانقه سی آجق نیت و تشبثنده درلر .

تورک طلبه سنک ایکنجی درنکی . — تحصیلنی مکملشدیرمک ایچون اوروپاده بولونان تورک طلبه سندن بعضلری بولندقلری مدنی مراکز لرده ، برر « تورک پوردی »